

**NORTH EAST INDUSTRIAL DEVELOPMENT SCHEME (NEIDS), 2017**  
**BIH CHIANNA LEH THLIR ZAUNA**

*Lalhmunsiamama*  
*General Manager,*  
*DIC, Aizawl*

India hmar chhak state-te tana duan, North East Industrial Development Scheme (NEIDS), 2017 chu ni 12 April 2018 khan Central Sorkar chuan a tichhuak (notified) a. He scheme hian scheme hman lai North East Industrial Investment Promotion Policy (NEIIPP), 2007 chu a thlak dawn a ni. He scheme hnuai ham\hatna awmte leh a kalphung tur tlangpui hriat theih chin tarlang ila, thil \henkhat a scheme leh guidelines a\anga la chiang lo lai awmte chu hman tak tak a nih hunah a la chiang chho zel turah ngai ila a \ha mai awm e.

**He scheme hnuai incentive awm te (A tawi fel zawk nan english-a dah a ni):**

*Central Capital Investment Incentive for Access to Credit (CCIIAC):*

30% of the investment in Plant & Machinery with an upper limit of Rs.5 Crore on the incentive amount per unit.

*Central Interest Incentive (CII):*

3% on working capital credit advanced by eligible Banks /Financial institutions for first 5 years from the date of commencement of commercial production by the unit.

*Central Comprehensive Insurance Incentive (CCII):*

Reimbursement of 100% insurance premium on insurance of building and Plant & Machinery for 5 years from the date of commencement of commercial production by the unit.

*Goods and Service Tax (GST) Reimbursement:*

Reimbursement up to the extent of Central Govt. share of CGST and IGST for 5 Years from the date of commencement of commercial production by the unit.

*Income Tax (IT) Reimbursement:*

Reimbursement of Centre's share of income tax for first 5 years including the year of commencement of commercial production by the unit.

*Transport Incentive (TI):*

20% of the cost of transportation including the subsidy currently provided by Railways/Railway PSU for movement of finished goods by rail.

20% of cost of transportation for finished goods for movement through Inland Waterways Authority of India.

33% of cost of transportation of air freight on perishable goods (as defined by IATA) from the airport nearest to place of production to any airport within the country.

*Employment Incentive (EI):*

The Government shall pay 3.67% of the employer's contribution to Employees' Provident Fund (EPF) in addition to Government bearing 8.33% Employee Pension Scheme (EPS) contribution of the employer in the Pradhan Mantri Rojgar Protsahan Yojana (PMRPY).

1. He scheme hi kum 5 chung, ni 01.04.2017 a\anga ni 31.03.2022 thleng, hmarchhak state 8 (pariat)-ah hman tur a ni. Heti a ni chung hian he scheme hi ni 12.04. 2018-ah notified a ni a, a kalpui dan tur 'operational guidelines' hi ni 11.02.2019-ah central sorkarin a tichhuak chauh a. A hman hun chung hi pawhsei a nih loh chuan kum 2 chung chu ministry hian min pawt khawtlai tawh tihna a ni.

2. He scheme hnuai incentives-te hi India hmarchhak state chhunga industry thar (new industrial unit)-te'n an dawng thei dawn a. Mahse, he scheme-in industry thar (new industrial unit) a tih hian ni 1.04.2017 leh 31.03.2022 inkara industrial unit, Department for Promotion of Industry and International Trade (DPIIT) portal-a in register-te chauh a huam thung. He portal-a online registration ti lo an nih chuan hemi hun chhunga din industrial unit thar pawh ni se incentive-te hi an dawng thei dawn lo a ni tih erawh hriat a ngai. Heng bakah hian mi khawl hlui hmanga unit din te, industrial unit ding tawh hmun danga indin thar emaw, a hmun ngaia indin thar emaw a huam lo bawk. Tin, he scheme hian industry \henkhat negative list-ah a dah bawk a, heng industry-te pawh hian he scheme hnuai ham\hatna hi an dawng thei dawn lo bawk a ni.

3. He scheme hnuai incentive-te hi internet kaltlanga online-a dil tur a nih avangin industry din dawn a\anga fimkhur taka hma lak a ngai dawn a. Scheme thar a nih avang leh a kalphung hi NEIIPP nen a inpersan deuh dawn avangin tuna operational guidelines a\anga fiah chiah lo lai pawh a awm. Heng hi kalpui a nih hnuah inhrilhfiach chhoh zel ngai a nih hmel. Tin, heng incentive hrang hrang zingah hian CCIAC hi hriat chian hmasak ngai ber niin a lang bawk a, chuvangin zir chian leh zual a ngaih hmel bawk. A kalphung tur ruangam tlangpui han tar lang ila.

1) He scheme hnuai incentive dawng thei tur chuan Department for Promotion of Industry and International Trade (DPIIT) portal-a registration tih ngei ngei tur (mandatory) a ni. Registration dilna hi online-in DPIIT portal, *www.dipp.gov.in* ah dil tur a ni. He registration dilna hi DPIIT-in ngun takin a lo en ang a, a pawmpui hnuah chauh registration neih theih a ni. Chutih rual chuan he scheme hnuai register tawh unit-te chu he scheme hnuai incentive hrang hrang dawng thei tura ngaih an ni.

2) He scheme hnuai registration ti tur chuan Detailed Project Report (DPR) neih ngei a ngai dawn a. Chu DPR chu Scheduled Commercial bank/financial institution-in a lo endik (appraised) ang a, project a tana sum ngai tur zat bithliah pawh an endikna (appraisal note) a lang vek dawn a ni. DPR-a ziahlan loh khawl leina senso a\ang chuan incentive a hmuh theih dawn loh hmel a. Chuvangin, DPR siam laiin a chipchiar thei ang berin siam tur a ni. Tin, industrial unit hi register a nih ni a\anga thla 18 (18 months) chhunga din fel hman tur a ni.

3) Scheme para 6,2(b) in a sawi ang chuan Incentive hmuh tur a\anga 10% hi project din tirh laia project senso atana hman theih a ni a, 90% erawh chu project peih fel a nih a, thil engkim endik a nih hma chuan escrow account-a vawn \hat tur a ni thung. He lai tak hi operation guidelines nen inpersanna lai a awm. Operation guidelines chuan incentive ngaihtuah

a nih hmain inspection tih hmasak tur a tih bakah dilna hi commercial production a\anga kum khat chhunga thehluh tur a ni bawk a. Tin, dilna thehluh rual hian sum senso zat te, installed capacity te leh commercial production a\anga kum 5 chhung returns on investment (RoI) thehluh tur a ni bawk a. Hetiang a nih hi chuan ministry lam hi a tir notification rilru a\ang hian tlemin an kalphung an ti danglam deuh niin a lang a. Chuvangin 10% hmin hmasa awm tur anga pawh hi a nih loh hmel zawk a ni.

4) Incentive dilna online-a thehluh a nih hnuah industrial unit awmna district enkawltu District Industries Centre (DIC) chuan uluk takin a lo endik ang a. Siam \hat ngai a awm pawhin online-ah remarks a lo siam ang a, chu chu entrepreneur-in online kaltlang thovin a lo siam \ha leh ang. Scheme-in a phut ang tih tur \ul leh document \ul angte felfai taka upload vek a nih hunah DIC hian State Level Committee (SLC) ngaituah turin online hmangin a thawn ang.

5) DIC hian incentive dilna leh supporting document-te lo check fel leh industrial unit-te a hmun a endik (site visit) a lo tih ngei ngei a ngai a. Industrial unit dinna tura ram an neih dan pawh Chiang taka endik tur a ni. Hetia endik ngai angte check fel a nih a, pawm tlak a ngaih a nih chuan portal a\ang vek hian State Nodal Officer (SNO) hnenah a thawn ang. Fel hlel lai a awm a nih chuan a chhan fel tak siamin clarification a dil leh thei bawk.

6) State Nodal Officer hian portal a\ang hian dilna document-te leh DIC in remark a siamte a lo endik ve leh ang a. Siam \hat ngai a la awm a nih chuan clarification a dil leh thei a. Scheme guidelines ang la tih fel loh a awm emaw, scheme guidelines-in a phut ang an tlin lo a nih loh chuan 'Not recommended' button hmangin a hnawl thei bawk. Chutianga sawisel tur a awm loh chuan Empowered Committee ngaihtuah turin 'Recommend' button hmangin a thawn ang.

7) CCIAC dilna plant & machinery Rs 20.00 crores chin hnuai lam hi State Level Committee (SLC)-in a pawm (approve) thei a, a chung lam erawh chu Empowered Committee ngaihtuah tura ruahman a ni a. Chutih laiin a portal lamah hian SLC tih tur sawi chianna a awm lo thung a. SNO hian SLC a convene nghal dawn nge SLC hian log in hran a nei dawn tih erawh hriat chian deuh a la ngaih hmel. A notified scheme leh guidelines leh portal hman dan turah hian Chiang lo zeuh zeuh chu a la awm hmel.

He Scheme (North East Industrial Development Scheme) hi scheme thar a nih mai bakah kalphung thara kalpui tur a nih avang hian tun dinhmunah hriat vek theih loh lai tam tak a la awm a. Tuna a lan dan mai a\ang hi chuan he Scheme hi Mizorama kan industrial unit-te tan chuan chhawr \angkai a har deuh hmel. Industry lian zawk leh changtlung zawkte erawh chuan an chhawr \angkai deuh mahna. Mizoram tana chhawr \angkai a harsatna tur \henkhat han tarlang ila:

1) He Scheme a\anga ham\hatna hmu tur chuan DPR siam a nih a\angin thil engkim fel taka kalpui a ngai a. Registration a\anga incentive dilna zawng zawng pawh internet kal tlanga tih vek tur a ni. Kan entrepreneurs tam tak hi hetiang lama thiamna nei an nih loh avangin harsatna an tawk ngei ang.

2) Commercial bank-in project appraisal an tihna hi CCIAC tehna tur a nih dawn hmel a. Loan la lo tan chuan appraisal tihtir a har deuh maithei. Tin, CCIAC la lo tan chuan incentive dang pawh hmuh a harsa dawn a ni. He Scheme hnuai ham\hatna hrang hrang hi CCIAC hmuh theih leh theih lohah a innghat thui hle dawn a ni.

3) He Scheme hian transport incentive chu a siam ve a. Hei hi thil siam chhuah (finished goods) ah chauh a ni. Chu mai bakah road transport a la phal lo lehngal a. Hetiang a nih chuan kan state industry-te tan chuan transport incentive beisei tur a awm lo tluk a ni.

4) Raw materials phurh luhna man (transportation cost of raw material) a tan incentive engmah dah a ni lo va. Phai lama mite aia nasa taka kan raw material phurh man a tam zawk avangin state danga industry te kan el pha lo nasa dawn a.

5) He Scheme hnuaiah hian industrial unit ding laite tan incentive engmah a siam lo va. Technology changkang zel mila an in upgrade ve theihna tur kawng siam sak an ni lo hian industry awm mekte dinhmun a tiderhawng thei. Industry tharte mil tura an in upgrade loh chuan industry thar zawkte an el pha lo thei tihna a nih chu.

6) Mizoramah chuan industry din tura khawl leh hmanraw man ai hian khawl dahna tur in sak leh a hmunhma siamremna hi a hautak mah \hin. Hetiang a nih lai hian factory building sakna atan hian incentive pek theih a ni lo.

A chungah kan sawi tak bakah hian he Scheme hi ngun taka han bihchian chuan kham kova thei rah hmin, itawm tak, lawh hleih theih loh ang deuh niin a lang. Kan entrepreneurs-te'n an chhawr \angkai theih tur zawnga he Scheme hi herrem a nih theih nan hma lak a \ul khawp mai. A sawina tur dik takah, a sawitu tur dik takin, a sawi dan tur ang taka kan sawi chhuah thiam a, kan nawr thiam chuan he Scheme hi kan chhawr theih tura siamrem theih niin a lang a. Chuti a nih loh chuan he Scheme hi tuna a nihphung ang ngawt hi chuan kan \hatpui tehchiam lovang tih a hlauh thawnawm deuh.

He Scheme leh a kalpui dan tur (operational guidelines) hi <https://dipp.gov.in/> ah download theih a ni e.

Industry Meichher  
Jul-Sep, 2019